

北京長沙郡館志略

北京長沙郡館志略目錄

圖畫

北京長郡同鄉癸亥新年雅集攝影

北京長沙郡館新舊兩館全圖

北京長沙郡館增建房屋圖

序

北京長沙郡館捐冊序

北京長沙郡館財產錄序

李文正公墓祠序

跋

北京長沙郡館捐冊跋

北京長郡義園墓表跋

北京長沙郡館摹刻李文正公遺蹟跋

北京長沙郡館志畧 目錄

湘陰 吳國鏞

長沙 王文豹

薊泉 謝振定

湘陰 吳國鏞

湘陰 李輔燾

醴陵 袁德宣

一



3 1796 3957 4

MG
K291
7

傳

李文正公列傳

李友王鴻緒

記

李文正公墓祠記

柏山法式善

李文正公墓碑記

前人

李文正公墓圖記

湘陰李輔澤

北京長沙郡館收回鐵路股票始末記

長沙王文豹

北京長郡義地移歸湖南會館記

長沙曹廣楨

說

北京長郡舊館圖說

安化梁炳森

北京長郡新館圖說

前人

緣記

北京長沙郡館財產錄緣起

安化梁炳森

說明

北京長沙會館鈔契說明

安化 梁炳森

公牘

清理郡館後院地址致湘潭邑館易館長蔚儒函

第一屆委員成立通報各委員並定期開會商議進行辦法函

癸亥新年雅集通知各籌備員會同籌備函

癸亥新年雅集公啓請各委員分送各同鄉函

報告本會十二年上半年經過情形暨商議應進行各事致各委員函

本會寄送郡館財產錄請各縣各機關查收備案函

本會呈送郡館財產錄請京兆尹公署備案文

本會呈送郡館財產錄請京師警察廳備案文

本會呈送郡館財產錄請

大興
宛平

縣公署備案文

長沙縣知事復收財產錄函

湘潭縣知事復收財產錄函

湘潭縣議會復收財產錄函

醴陵縣議會復收財產錄函

瀏陽縣議會復收財產錄函

安化縣議會復收財產錄函

茶陵縣知事復收財產錄函

攸縣議會復收財產錄函

湖南第一聯合縣立中學校校有產款經理處復收財產錄函

監督京師稅務左右翼公署稽查處請送新舊紅契查驗函

覆監督京師稅務左右翼公署稽查處本館契據均詳前送備查財產錄應請免予再送函

本會因添建房屋亟須妥商致各委員函

本會因添建房屋呈報警察廳請轉飭查照文

本會新建房屋工竣請各委員驗收函

本會修理房屋並提議要事致各委員函

章程

北京長郡同鄉會章程

北京長沙郡館新訂章程

要錄

北京長郡同鄉會第一屆委員會各縣委員錄

北京長郡同鄉會第一屆委員會各科幹事錄

表

北京長沙郡館歲入歲出概況表

安化 梁炳森

北京長沙郡館現有應用器物表

前人

專紀

北京長沙郡館歲修捐款彙紀

文苑

題李文正公墓

大興翁方綱

前題

柏山法式善

前題

郭縣郭立誠

前題

武進胡遜

甲子清明偕同鄉諸君子展李文正公墓

和鍊人詞長清明謁李文正公墓原韻

次鍊人詩家謁文正公墓原韻

前題

長沙曹璜

前題

長沙徐顯立

前題

寧鄉吳起凡

前題

安化梁炳森

前題

孝感鄧一鶴

癸亥長郡同鄉新年雅集賦紀


鍊人袁德宣

旅京長郡同鄉癸亥新年雅集攝影




長沙郵館新築房屋圖

正 面 圖



側 面 圖



1912.12.12


右圖北房十四間已於本年六月工竣餘俟

分期建造


十三年八月謹註

長沙郡館全圖



草廠十條衛街



中華民國十一年十月繪



圖例



北京長沙郡館志略序

長沙郡館前有志余於民國初元來都猶及見之至此次重來徧覓弗獲十二年本館由館長制改爲委員制余亦廁委員之列承衆推主文牘卽以館志續撰相屬宜以職責所在不敢却第是志紀已往之陳跡備將來之考鏡非徒摘錄一二館規會制已也必其旁搜博採竟委窮源弗貽簡漏之誚而後可惟本館前志無存而又無碑碣卷冊之可考欲求紀載之詳纂輯之備不戛戛乎難之哉幸也庶務梁主任榮生曾有本館財產錄之纂可資採取又本年湖南同鄉會公推審查南廠一案於舊卷參錯中得湘陰吳君巨年所刊長沙郡館歲修捐冊於本館始末紀亦頗詳再本年編湖南同鄉會卷宗又於檔案中得湘陰李輔燁所編湖南祠墓義園彙略刊有募修李文正公墓祠一序內載錄長沙郡館志原文是本館舊志已將茶陵李文正公事跡詳載也余續何敢闕遂將文正公之年譜及懷麓堂集一並選錄又本會會計王主任少泉董理本館會務有年館中一切情狀知之最熟余往返詢商更得厓略繇是將上所得者類分圖序跋傳記啓說緣起說明公牘章程要錄表專紀文苑凡

十五雖門分類別可備參考然罅漏之處甚多不無遺憾上年余忝主湖南同鄉會文牘承同鄉諸公之囑曾編湖南會館志略矣志成雖受諸君子謬許謂可資考鏡然彼屬一省雖難詳贍尙屬可原此屬一郡而猶不免簡漏則誠有負同郡諸公屬托也雖然志雖略而徵引尙實或可爲將來考證之一助長屬爲吾湘首郡人才之盛甲於全湘前且不論卽以吳氏所刊清冊觀之當日衣冠文物誠足焜耀三湘七澤間也然今不減於昔昔之旅都者多屬京曹今則京曹外益以莘莘學子將來文章事業烏知不駕而上之哉惟冀後之來者將館產更加推擴館章更加整頓卽館志一續再續更加詳備焉是則余馨香禱祝之不置也

中華民國十二年八月醴陵袁德宣序

序

北京長沙郡館捐冊序

湘陰 吳國鏞

崇文門外東草廠十條胡同長沙郡館創自前明李尙書騰芳廖給諫國遴鼎革後異族竊踞廬舍盡壞湘潭王君岱艱苦撐拄兩次修葺始復爲長沙郡館焉康熙五十七年陳恪勤公續修之雍正中彭公維新王君之錡劉君元變先後續修之乾隆間羅君源浩續修之而楊茂論唐君煥更購新館嘉慶十五年劉文恪陶文毅唐確慎及余星堂周石芳賀耦庚諸先生倡續修之議至道光八年胡雲閣先生始竟其成其後曾文正公復修之同治七年謝粟夫農部復修之而更文正之制光緒初則蕭散庭侍御陳韞原太史前後補葺光緒十四年歐陽節吾舍人更改大門如今式焉蓋一館而不知幾費經營矣光緒壬辰五月國鏞接管迄今六載質劣才弱於前賢無能爲役顧念初接管時牆屋頗多頽壞經費復極支絀諸事就商於節吾遂與節吾日抱捐冊乞捐於入觀諸公甲午九月節吾南行國鏞遂獨任其事卒賴諸君子樂輸之力繕殘緝缺館以不傾舊有香爐營公屋一區頃復添購南橫街一宅以爲歲修之費今將交卸用刻清數以縣其義問焉若夫經理是館者失慎矢公任勞任

怨視館事如家事居是館者護我牆垣珍我器物視館舍若吾廬慰前賢播持辛苦之心副諸公好義急公之意豈俟薄劣如國傭者之贅語哉光緒二十有四年二月初吉湘陰吳國鏞識

北京長沙郡館財產錄序

長沙 王文豹

長沙郡館前清時由京官中推選一人爲值年經營其事至宣統三年止除新舊兩館外並有所屬房屋四處民國成立以後元年秋間設立長沙郡同鄉會推會長幹事接續經營除房產照舊外並有特別交涉無價贖回鐵路股款一事算至本年十月積存有股票公債票現款等項共計洋六千元以上梁君榮生同任郡館職務數年鑑於已往經營之維難來日保存之匪易提議編輯郡館財產錄文豹極表贊同並誦其擔任梁君慨然許諾編輯既竟亟待付梓適值同鄉會委員成立之時用誌數語以謝梁君並代報告想亦同鄉諸君所樂聞也

李文正公墓祠序

薊泉 謝振定

自周官冢人墓大夫之職久無存而邱隴兆域之禁令度數茫然無爲之主者甚至侵盜及

枯骨而訟獄日繁其或古墓爲田松柏爲薪啾啾然銜夜臺之泣者所在皆是也前明相國

李文正公吾楚茶陵人也而世居於京師公有子先卒故無嗣

見堯山堂外紀

自曾祖逮其身若子

凡五世皆葬畏吾村懷麓堂集有告墓文可考歷歲久無過而問者又無麗牲之石遂軼其

處振定舊聞公墓在長河北何太監墓側後法梧門祭酒數過其地訪得之在今大慧寺

西三十步許太監墓在其傍與所聞脗合祭酒爲之記且質之太興翁覃溪先生固鑿然可

據者方文正之沒也貧不能具葬門人故吏醵賻之乃克葬

見楚寶

曾幾何時而墓前石碑至

爲土人盜售之碎以和鹽

見瓦釜漫記

信可悲也已嘉靖初麻城耿尙書定向爲贖其舊宅置專

祠焉

見帝京景物畧

萬歷中宛平方公從哲封其墓

見金會公書中

同時又有王進士文邁者重封樹之

見池北偶談

而我朝廣濟金會公檢討有致新城王文簡書於文正之墓三致意焉並屬其轉告黃岡王

吳廬先生其辭尤婉而多風

書見居易錄

是文正身後之事前之君子數數念之稍稍經理之而

惜乎未竟其功也夫有明孝宗武宗之世權璫饕熾毒及縉紳矣文正以一身係天下之重

彌縫匡救委曲而保全之其功於士林甚鉅至其風流文采照耀人寰尤前代宰輔中所僅

見而其藏身一坏之土蕩然爲耕煙牧雨之場此在行路之人猶將爲之悽愴而太息況乎

冠冕人倫巍然居士大夫之列者其忍耳聞之而坐視之也耶今其墓地屬浮屠氏是宜請於典土者而斂值爲之償以貳封崇之碣表之更得建祠或墓屋三數間庶幾好事者歲時蘋薦以妥鄉先賢之靈以垂之永久維時法梧門蕭昆田二先生首其議同人任其事將以成耿公方公王公金公諸君子之志屬振定識其緣起以徧告乎當世士大夫之樂與人爲善者庚申六月敘

跋

北京長沙郡館捐冊跋

湘陰 吳國鏞

刻既竣工偶檢嘉慶道光閒舊簿見館捐極豐州縣多捐百金且有二百金者佐雜多捐十金且有十六金四十金者文武鄉會試及優拔貢題名多至三四十金少亦三四金隨舉一科莫不皆然極令人想見當日文物風流之盛而低徊不能已也夫會館之立所以便公車也公車既過候補候選者皆得居焉豈獨一身一時之安哉抑亦人人子孫久遠之計也然方其無會館時則衆皆慨然於羈旅之無以爲甚及其有也爰居爰處攸芋攸甯而或不維所以永其利焉抑又何也世有日用飲食窮極豐美甚或狎伎游倡千金不惜語以濟困扶傾則一毛不拔者蓋亦未之思耶雖然懷杜陵廣廈之志夫豈乏人況吾郡鄉先輩流風餘韻之所漸士方將抱其樸實之學輔以忠義之氣外濟時艱內範鄉里又豈僅校區區館捐之豐齋云爾哉詩曰維桑與梓必恭敬止又曰雖老成人尙有典刑是誠不能不有望方來之君子矣吳國鏞識

北京長沙郡館義園墓表跋

湘陰 李輔燁

長沙郡館義園塋地在京師永定門外之東左安門之西五里至馬回子店塋地在忠佑寺前數十武排塋十有五塚背臨大路子山午向未葬餘地歸寺僧佃種兼承守墓自塋地循大路往西而南由胡家邨過關帝廟野店繞南行三里許即至石榴莊陳恭節公墓地丙申四月展先庶祖母墓至此荒冢壘然惻焉久之義園直年曹梅訪比部將加修葺 燁因爲圖表刊券約而叙其厓略於此李輔燁景庭氏跋尾

北京長沙郡館摹刻李文正公遺蹟跋

醴陵 袁德宣

北京長郡會館有隙地甚寬宏甲子春余與王少泉梁榮生宋克羣諸君子同董館事因添建館舍掘土得碑一上無字公謀鑄泐吾鄉李文正昔有碑藏湖南會館館久失修室圯碑亦傾斷半掩土中余因撰湖南會館志略搜文正遺蹟尋獲之設法摹拓得碑十首卽所題舊時風景也以四字鑄郡館所獲碑適合輒鈎泐之長沙郡館建自前明後毀於兵燹雖疊經修葺尙未全復今舊地重新舊時風景復見今日矣湖廣會館成於前清嘉慶西涯眞蹟於光緒丙子泐嵌寶善堂壁不知何知圯斷今得復出舊時風景尙覺依然此殆其間有默而致之者歟今湖廣會館亦正議修理矣西涯舊題仍嵌原壁吉光片羽長存兩館之間文字不磨兩館當亦不朽也中華民國十三年甲子夏月醴陵袁德宣識

傳

李文正公列傳

李友 王鴻緒

李東陽字賓之茶陵人以成籍居京師四歲能徑尺書景帝召試之甚喜抱置膝上賜果鈔還其家後兩召講尙書大義稱旨命入京學天順六年年十六舉順天鄉試遂成進士選庶吉士授編修累遷侍講學士充東宮講官宏治四年憲宗實錄成由左庶子兼侍講學士進太常少卿兼官如故東陽盛有文名不爲當軸所喜至五年始得與講筵旱災求言東陽條摘孟子七篇大義附以時政得失累數千言上之帝稱善閣臣徐溥等以詔勅繁請如先朝王直故事設官專領乃擢東陽禮部右侍郎兼侍讀學士入內閣專典誥勅八年以本官直文淵閣參預機務與謝遷同日登用時政闕失輒偕溥等盡言極諫東陽工古文辭閣中疏草必屬之疏出多爲人傳誦久之進太子少保禮部尙書兼文淵閣大學士十七年重建闕里廟成奉命往祭還上疏言臣奉使過亢旱天津一路夏麥已枯秋禾未種輓舟者無完衣荷鋤者有菜色盜賊縱橫青州尤甚南來人言淮揚諸府流亡載道掘鬻而食江南浙東方數千里戶口消耗軍伍空虛庫無旬日之儲官缺累歲之俸東南財賦所出一歲之

饑已至於此北地些窳素無積聚今秋再歉何以堪之事變之生恐不可測言及於斯可爲痛哭臣自非經過其地則雖久處官曹日理章疏猶不得其詳況陛下高居九重之上者耶道路言冗食太衆國用無經差役頻煩科派重疊京城土木繁興供役軍士財力交殫每遇班操寧死不赴勢家鉅族田連郡縣猶請乞不已親王之國供億至二三十萬游手之徒託言皇親僕從每於關津都會大張市肆網羅商稅國家建都於北仰給東南商賈驚散大非細故更有織造內官縱羣小掊擊閭河官吏莫不奔駭鬻販窮民所在騷然此又臣所目擊者夫閭閻之情郡縣不得而知也郡縣之情廟堂不得而知也廟堂之情九重亦不得而知也始於容隱成於蒙蔽容隱之端甚小蒙蔽之禍甚深臣在山東伏聞陛下以災異屢見勅羣臣盡言無諱然詔旨頻降章疏畢陳而事關內庭貴戚者動爲掣肘累歲經時俱見遏罷誠恐今日所言又爲虛文乞取從前內外條奏詳加採擇斷在必行帝加嘉歎悉付所司因再疏自劾求退不許明年與劉健謝遷同受顧命武宗立屢加少傅兼太子太傅數諫帝失德不見省及劉瑾入司禮與健等即日辭位而東陽獨留耶之再疏懇請不許健等瀕行東陽祖餞泣下健正色曰何哭爲使當日力爭與我輩同去矣東陽嚙然是時中外大權皆歸

瑾務摧抑縉紳而焦芳旣入閣助之虐老成忠直士放逐殆盡東陽悒悒不得志然遇傳免日講日晏視朝每拜疏切諫瑾凶暴日甚無所不訕侮於東陽猶陽禮敬凡瑾所爲亂政彌縫其間亦多所補救尙寶卿崔璿副使姚祥郎中張瑋以違制乘肩輿給事中安奎御史張或以覈邊餉失瑾意皆荷重校幾死東陽力救璿等謫戍奎或得釋三年六月朝退有遺匿名書於御道數瑾罪者詔百官悉跪奉天門外頃之令大僚及翰林皆出執庶僚三百餘人下詔獄次日東陽等力救未報瑾廉知乃同類所爲衆獲胥東陽又責數百言中外駭歎瑾患盜賊日滋欲戍其家屬東陽力爭或自陳捕盜七十人功所司乞詰鄰伍及爲之囊橐者將以新例處之東陽言如是則百年之案皆可追論也由是俱得免東陽旣求去不得委蛇避禍而焦芳疾東陽位已上日夕搆之瑾瑾乃令人摘通鑑纂要小疵爲東陽等罪而除詹錄官數人名欲因以及東陽東陽大窘度勢不能爭屬芳與張綵爲解乃已瑾久亦安之當其威虐烜赫時東陽婉言曉譬屢見聽從劉健謝遷劉大夏楊一清及平江伯陳熊輩幾得危禍皆賴東陽而解其潛移默奪保全善類天下亦陰受其庇而氣節之士多非之侍郎羅玘上書勸其早退至請削門生籍東陽得書俛首長歎而已焦芳旣與中人爲一王璽雖持

正亦不能與瑾抗東陽乃援楊庭和共事差倚以自強已而整辭位劉宇代之未幾去繼以曹元皆瑾黨也以故東陽勢益孤東陽前已加少師兼太子太師後瑾欲加芳官詔東陽食正一品祿久之摘會典中譌謬奪所加祿居數日以孝宗實錄成旋復之蓋東陽亦不免狎侮矣五年春帝以久旱下詔恤刑東陽等因上詔書所未及者數條帝悉從之已法司劉璟等畏瑾滅死者止二人其秋瑾誅東陽乃上疏自列曰臣備員禁近與瑾職掌相關凡調職撰勅或被駁再三或徑自改竄或持回私室假手他人或遞出謄黃逼令落藁真假混淆無從別白臣雖委曲匡持期於少濟而因循隱忍所損亦多理宜黜罷帝慰留之以平寅譚加特進左柱國詹一子尙賢司丞爲御史張芹所劾帝怒奪芹俸東陽亦乞休辭廕不許時焦芳曹元已罷而劉忠梁儲入政事一新然張永魏彬馬永成谷大用等猶用事帝嬉游如故皇子未生多居宿於外又議大興豹房之役建寺觀於禁中東陽等憂之前後上章切諫不報朔州盜劉六等亂起侍郎陸完方出師涿州賊已至固安京師震動帝乃召對東陽廷和儲於左順門欲召還完軍東陽稱善因言賊本烏合朝廷賞罰明信使諸將効力賊自不足平帝曰然遂慰勞賜羊酒而退時帝久不接大臣及是但答問數言無所獻替人益責望東

陽七年東陽等以京師及山西陝西雲南福建相繼地震而帝講筵不舉視朝久曠宗社祭享不親禁門出入無度谷大用仍開西廠屢上疏極諫帝亦終不聽也九載秩滿兼支大學士俸河南賊平廕子世錦衣千戶再疏力辭改廕六品文官其冬帝欲調宣府軍三千入衛而以京軍更番戍邊東陽等力持不可大臣臺諫皆以爲言中官旁午索草勅帝坐乾清宮門趣之東陽等終不奉詔明日竟出內降行之江彬等遂以邊兵入豹房小人愈得志矣東陽以老疾乞休前後章數上至是始許賜勅給廩隸如故事又四年卒年七十贈太師諡文正東陽事父淳有孝行初官翰林時常飲酒至夜深父不就寢忍寒待其歸自此終身不夜飲於外爲文典雅流麗朝廷大著作多出其手工篆隸書碑版篇翰照耀四裔獎成後進推挽才彥學士大夫出其門者率粲然有所成就自明興以來宰臣以文章領袖縉紳者楊士奇之後東陽而已立朝五十年清節不渝既罷政居家購請詩文書篆者填塞戶限頗資以給朝夕一日夫人方進紙墨東陽有倦色夫人笑曰今日設客可使案無魚菜耶乃欣然命筆移時而罷其風操如此故與楊一清善及疾亟一清視之東陽以謚爲憂一清曰本朝無謚文正請以奉公東陽自牀上頓首謝後竟得之

附注 本傳係從法式善所纂文正公年譜錄出與明史本傳略有不同年譜謂東陽盛有文名不爲當軸所喜至五年始得與講筵旱災求言東陽條摘孟子七篇大義明史則祇云五年旱災求言又年譜謂南來人言淮揚諸府流亡載道掘鬣而食江南浙東方數千里戶口消耗明史祇云南來人言江南浙東流亡載道戶口消耗又年譜謂恐不可測言及於斯可爲痛哭明史祇云恐不可測又年譜謂邊兵入豹房小人愈得志矣明史祇云邊兵入豹房矣又年譜謂兼太子太傳數諫帝失德不見省及劉瑾入司禮與健等即日辭位而東陽獨留明史則云兼太子太傳劉瑾入司禮東陽與健遷即日辭位中旨去健遷而東陽獨留此外不同之處尙多大抵不外年譜則據事直書明史則不免有隱惡之意也本志意在徵實故採年譜 德宣注

記

李文正公墓祠記

柏山 法式善

西涯先生墓明萬歷時已不可識辦有農人取於冢露其棺之前和大學士方公從哲爲重封之進士王文邁補植墓木而未及勒石以紀其後遂爲民產東阡西陌麻麥相望訖于今更不知畏吾村中有所謂西涯墓者余據諸家紀述詳加蒐討數履其地訪之故老土人乃得其所計地二十一畝主之者爲百祥菴僧欲謀贖之而未果宛平令武進胡君遜聞之慨然曰先賢遺壙夷於榛莽守土者之恥也乃捐俸百金贖之夫士大夫酒食徵逐聲色狗馬之好往往手散千金不卹及爲善舉則計錙銖豈其膏於財哉亦慕義之心不至也如胡君之用心其足以風矣墓先有五冢今一存其二僅可識夷其二且數十年矣胡君旣贖墓山則封之如其舊且謀建祠於是蕭昆田芝謝鄉泉振定兩侍御爲文以告同志者一時聞風咸捐貲俛助迺營葺墓道就墓前建祠三楹小屋二間繚以周垣謝侍御實鳩工庀材而胡君董其事嘉慶六年六月初九日祠成設祭以落之有爲胡君告曰祠前若更植竹數百竿續慈恩寺故事而復西涯舊觀則過者當益增企慕罔日必有如沈啓南者爲之補圖又必

有風流好事如王世賞謝于喬輩廣和於其間也胡君曰善屬余記之余以爲賢者身歿雖子孫久已廢絕而卒不至於廢絕者其人足重於後世使然苟不遇胡君及兩侍御雖遲之數百年而亦靡所藉以爲表章之力故叙其始末揭之祠壁以諗後之人實錄館纂修官翰林院侍讀柏山法式善撰

李文正公墓碑記

柏山 法式善

余居近明李文正公舊宅遺址所謂西涯者也嘗攷公軼事哀集爲記後欲尋公墓所屬同年宛平令章君訪於畏吾村不可得又屬後任武進胡君及大興令郅縣郭君訪之一日二君過余言因事過畏吾村問公墓於土人皆不知有大慧寺老僧云識一古墓相傳前明顯宦今其子孫已絕往視之良然然不敢遽定爲文正墓也翼日余親訪焉老僧佗出裴叟久之遇石翁者年八十六居畏吾村且六世叩以文正墓亦弗能知因舉僧言相質迺同詣寺西北土阜一冢巋然旁有二冢且夷矣翁指云是間有二兒時猶及見余周覽而諦視之慨然曰此爲文公墓無疑也案文正集復畏吾村舊塋及合葬告考妣諸文文正曾祖文祥洪武初以成繕隸燕山右護衛其祖允興方幼掣與俱來稍長代父役靖難兵起有功弗見錄

以藝簡內局製軍器爲賈以養文正父名淳微時爲舟子有陰德遇異人爲擇吉地瘞祖父骨即畏吾村鑿是也文正爲改葬樹村不吉仍遷畏吾村文正子兆先先卒附葬文正卒亦葬焉是畏村墓文正祖孫五世同域茲墳適有五非李氏墓而誰耶劉世節瓦釜漫記謂其家族姓漸微至以墓前白石碑隳碎與販鹽者雜賣蔣一葵堯山堂外紀謂兆先卒公竟無嗣然則其子孫久絕而碑碣無徵宜矣嗚呼公五世之墓聚於一域身歿而子孫不振至於夷冢爲田屑碑易食不亦傷哉然以文正風流所被猶能使後人之旁皇履勘諮於野人老衲卒得其實不至終淪於蓬蒿豈非默有啓之者乎墓在大慧寺西距寺三十步墓之西爲畏吾村抵村口一里許小徑北通石道白塔庵在焉南則長河由枯柳樹迤邐南行即望見極樂寺後有欲展公之墓者視吾文庶幾有攷焉

李文正公墓圖記

湘陰

李輔燁

明茶陵李文正公墓在京師畏吾村背賢記之詳矣光緒丙申春謁吏入都故事每歲極樂寺海棠盛開鄉人相約拜祠賞花燁幸逢其盛偕舅氏黃鹿泉農部出西直門過高梁橋循石道三里許折西北半里過大慧寺沿牆而北又西北十數武至公祠

祠南嚮入有影壁堂三楹小夾室二東西

有廊堂後過苑墻入塋園中列一家左右
各二父正祖孫五世同域公墓在其中

祭掃畢往極樂寺譚宴歸

祠南稍東大道旁豐碑題
李文正公墓西偏有明錦

衣衛某
石墓門

爰爲圖識之附錄前人記序攷略及公墓志於後以志景慕而備掌故云湘陰李輔

燦謹記

北京長沙郡館收回鐵路股票始末記

長沙

王文豹

長沙郡館於前清時購有湖南粵漢鐵路股票計共洋三千元宣統三年十月因同鄉困居
北京要求取出押款分用由郡館直年陳君詒重將股票並息摺向裕源銀號押借現洋一
千元立有押據寫明定期六對月爲滿如屆期不贖准其變價作抵倘有不足仍向陳詒重
追補等語其舊證人爲丁葆元民國成立以後元年秋間設立同鄉會豹等被選爲同鄉會
職員接收時查見前項押據底稿計算時日已逾定期因念郡館存款無多以後籌措不易
前項股票三千元僅押一千元倘能贖回不無裨益因即函詢陳君詒重時陳君寓居青島
至二年八月始接回信歷述當時爲難情形并押借緣由且有名爲押借實與賤售無異此
語但未與袁丁說過如能贖回實弟初願等語並附致袁丁兩君信當即向袁君交涉據云
記憶不清須問丁君方知下落等語時丁君在福建泉漳鐵路局因即函詢丁君十月得其

復信內稱股票押借似有其事但款係交行支出該行必有簿據請逕向現在經理楊君胡君接洽云云因即前往查詢據云遍查歷年帳簿並無此項鐵路股票押借之款等語經年交涉着落毫無力竭智窮不能再有進行方法以爲贖回股票祇好託諸空言迨至民國三年五月湘路贖歸國有股款清理處登報催換證券因查不出押借原人若向清理處查明根柢亦可另行設法當經查得此項股票尙未有人兌換因截止之期即在九月遂於七月託友人孔君舜徵登報聲明並託友人朱君子澍代爲換券匯款旋於十一月接孔君函稱陳君不以登報爲然幸清理處時期延長遂復詳達陳君請其另行設法至四年五月尙未得其回信乃再託友人辦理登報並換券之事並一面送登上海北京各報郡館股票遂得於清理處未撤以前辦理完竣是年六月由湘匯到洋二千九百三十九元二角十月又匯到洋五百六十五元五角三分共洋三千五百零四元七角五分於是郡館三千元之股票本息全數收回不啻失而復得現在集款不易全恃保存舊款滋養生息庶公益事業可以永久維持特將始末情形記錄於此同鄉諸君幸垂覽焉中華民國十一年七月二十五日長沙王文豹謹記

附購中國銀行股票額數

館於民國四年十一月購中國銀行有限公司股票三張每張額價千元共值洋三千

附購整理金融短期公債票額數

本館於民國九年十月購入整理金融短期公債一百元票十三張計洋一千三百元一元票一百六十張計洋一百六十元

附購內國 債票額數

本館於民國十一年一月購入內國公債票一張計洋一千元

附注 按中國銀行股票即收回鐵路股票所購鐵路股票得而復失今購中國銀行股票滋養生息每年獲利金數百元現又以利金加購內國公債各票生生不已未始非經理得人之所致也尤望後之董斯役者繼長崇高不負前人經營之苦心則幸矣 德宣注

北京長郡義地移歸湖南義園記

長沙 曹廣楨

丙申年黃鹿泉農部交來長郡義地契二紙其地在永定門外東南五里地名馬回子店據云歲久無人進葬從前舊墳十餘種漸有犁爲田之勢丁酉冬間與羅石帆比部往度其地須照界址圍禁始能經久旋函同鄉諸君子僉謂工程頗大不如推廣作湖南義園一切工程費用即在湖南義園公款項下開交云楨記

說

北京長郡舊館圖說

安化 梁炳森

長郡老館坐落崇文門外草廠十條胡同路東屬外左一區門牌五號其地址東抵糞廠胡同官街西抵本胡同官街北抵湘潭舊館地基南面抵小胡同後抵住宅東西長二百尺前面南北寬一百四十三尺前院大門一道過道一通門房一間廚房一間走廊兩道灰屋一間北院南房四間北房五間西東房各四間外廁所一後院西內牆一障東外牆一障北內牆一障中係墟地南北寬一百零二尺東西長一百四十三尺

舊館自遭庚子兵燹之變舊契遺失而鄰近館舍同時被燬境地全非即據新契以存舊址除東西兩抵官街不生疑問外而南北兩面今昔異觀重以館志未見無從查攷舊館之規模而現有館舍係宣統二年從新建築

故郡人多稱爲新館其實係舊館地址

因一時財力不給未克恢

復舊觀尙餘隙地三分之二北聯湘潭舊館地址前因郡縣關屬統括於郡館院牆之內民國八年湘潭館長易蔚儒先生將該縣舊館地址租開德記煤棧而兩館地界迄未劃清炳森深恐日後發生爭端特於本年八月函詢蔚儒先生得其確據並會同履勘即根

據該縣舊館捐修簿內刻地界碑記所載丈尺度量劃清界限並新築圍牆以資保障積年懸案後日爭端一嗣解決兩館均稱便焉 炳森注

附注 邇來長郡同鄉來京日多原有館舍不敷住居上年開會議決就館後隙地添建南
北房各十四間中建會客廳辦公閱報等室第現在會中存款無多若各房同時建築恐
費難籌措乃定分期建造本年先建北房十四間已於六月工竣以後當按期續建以竟
全功 德宣注

北京長郡新館圖說

安化 梁炳森

新館坐落草廠十條胡同路西與舊館對面屬外左一區門牌二十八號東抵本胡同官街
西南北抵各姓住宅東西長八十六尺南北寬八十尺東院大門一道過道一通正房五間
廚房一間南院正房六間廚房一間灰棚一間北院正房九間西邊門外北小房一間院內
廁所二

附注 舊館契據四紙新館契據一紙又香爐營房屋契據一紙南橫街房屋契據一紙粉
房琉璃街房屋契據一紙均載財產錄茲不贅 德宣注

緣起

北京長郡會館財產錄緣起

安化 梁炳森

北京長沙郡館創建於明爲給諫廖公國遴大宗伯李公騰芳實始其事鼎革後鞠爲馬廠賴湘潭王公岱支撐之力得存舊壤數椽潔清乾隆年間先後購拓地基擴爲新舊兩館而規稍宏矣嗣後陸續另購拓房屋三所收其租息以爲郡館歲費光緒二十六年庚子歲秋聯軍入京郡館燬於兵火所有新舊契據概行遺失館中碑碣亦復銷滅無存幸有長沙郡館志書內載各新契甚詳二十八年壬寅歲十月郡館直年王公世琪根據館志鈔契四冊呈請順天府尹一併用印並飭發大興宛平兩縣存冊備案至此而館產復得確據焉復查郡館於光緒三十四年戊申歲購買湖南粵漢鐵路股票計共股本洋三千元宣統三年辛亥十月因政變故旅京同鄉無資歸里聯名迫懇直年陳君詒重權將鐵路股票押款攤分以資接濟事出特殊非得已也幸後經王紹琴館長多方設法於民國四年六月始將鐵路股票本息全數收回據云計共洋三千五百零四元七角五分同年十一月以三千元購買中國銀行股票三張共三十股此款歷經紹琴館長特別保存滋息至今云炳森於民國九

年謬承公舉爲郡館副長倏忽三年未辦一事抱愧殊甚本年七月期滿改選特開同鄉大會乃多數採取委員制議決由十二縣各選委員一人共襄館事現會章業已修改因各縣委員尙未舉齊所有館務不得不由紹荃館長與炳森代行保管炳森惟念連年來我郡學子來京日多而墟隙未闢館舍未宏致有擁居不堪或竟無棲息之所其感受困苦固不待言夫欲冀厥旅居在擴充館舍欲宏館舍必先鞏固原有之館產乃可徐圖擴充前清時代郡館原有仕宦鄉會試各種例捐歲入約數百金故前此兩次續修郡館全恃捐款以資挹注光緒二十八年修理新館宣統二年修葺舊館民國改革捐例停止所特以支持館費及擴充館舍全賴此數處房租與數千元股票之息金耳若不設法保存將何以圖建設炳森深鑒郡館前經數度之變故而基本館產與活動資財幾有不克保存之勢今館志既不見存而動產又別無紀錄世變無端天災難測契據證券輾轉交替恐難免不再遭遺失懷前賢創業之艱難慮後人保守之不易故炳森所以有郡館財產錄之建議況當此新舊交代青黃未接之時此舉尤屬刻不容緩比經公同贊同又承紹荃館長函委炳森經手彙稿職責所在不辭固陋今稿已編就行將付梓特附數語以誌起緣其用意不過續長沙郡館志書而補其遺缺焉耳蓋有

此錄之傳播俾多數同鄉得以稽查郡館沿革與館產內容並藉悉前此歷經館事者之苦
心引起大家共負維持之責任以後無論變故如何得根據此錄以資佐證使郡館財產不
至受根本上之動搖而得以鞏固於無窮此則炳森區區微忱切所望於後來同鄉諸君子
者焉

附財產錄分布冊數

此次編輯郡館財產錄原取公開主義用以備遺忘垂久遠故記載不厭其詳分播不嫌其
廣茲暫訂印五百部除本會存留十部歸文牘科保管以備遣交另以本會名義正式備函
郵寄京內外直接或間接與郡館相關屬之各機關各會館請其備存外其餘部數分給本
會本屆委員各同人及旅京各同鄉藉資觀覽相與共同保守焉

分送京內各機關各會館備存冊數

京兆尹公署 二冊 京師警察廳 二冊 大興縣公署 二冊 宛平縣公署 二冊 京師左右翼稅務
徵收局 二冊 湖南會館 一冊 長沙縣館 一冊 善化縣館 一冊 湘潭縣館 一冊 湘陰縣館 一冊
瀏陽縣館 一冊 湘鄉縣館 一冊 寧鄉縣館 一冊 醴陵縣館 一冊

分送本省各機關備存冊數

湖南省長公署 二冊 湖南省議會 二冊 長沙縣公署 二冊 長沙縣議會 二冊 湘潭縣公署 二冊 湘潭縣議會 二冊 湘鄉縣公署 二冊 湘鄉縣議會 二冊 湘陰縣公署 二冊 湘陰縣議會 二冊 瀏陽縣公署 二冊 瀏陽縣議會 二冊 寧鄉縣公署 二冊 寧鄉縣議會 二冊 醴陵縣公署 二冊 醴陵縣議會 二冊 安化縣公署 二冊 安化縣議會 二冊 茶陵縣公署 二冊 茶陵縣議會 二冊 攸縣公署 二冊 攸縣議會 二冊 益陽縣公署 二冊 益陽縣議會 二冊 湖南第一聯合縣立中學校校產經理處 一冊

說明

北京長沙會館鈔契說明

安化 梁炳森

契約爲財產之根據而印驗執照尤爲契約之保障查郡館原有鈔契一冊係光緒二十八年直年王公世琪手錄四份呈請順天府一併用印發還以憑執掌之一冊內計契八紙於民國三年呈請左右翼牲畜徵收局驗訖繳稅並發給驗契執照在案其編列號次由一百一十號起至一百一十六號粘上契尾逆數而上郡館舊契雖前經遺失而此鈔契一冊既經順天府尹用印知照於前復經左右翼牲畜徵收局發給驗契執照於後保障重重自可垂諸久遠經理館事者對於此項印驗契冊固應格外保存但兵災水火意外堪虞一人之保守究不若紀錄之流傳故炳森特將各印契及執照全文重行鈔錄分別詳載以備日後不虞之患倘或契冊再遭遺失猶可根據此錄援照成案辦理俾館產不至受變故之影響而得無窮之保障焉

附順天府尹知照

順天府爲知照事照得案准湖南省長沙郡館貴紳士呈稱竊京師長沙郡館坐落崇文門外東草廠十條胡同路東創自前明嗣後添拓基址於乾隆三年購買盧燮公一契乾隆十三年購買張士羣等一契乾隆十七年購買劉文一契乾隆三十年購買鄭之振一契是爲

長郡老館又乾隆二十五年於本胡同路西購買郝儼若房屋一契是爲長郡新館又道光十六年於香爐營二條胡同口外路西購買王綱齋房屋一契又光緒二十三年於南橫街西頭路北購買馮承祜房屋一契又光緒二十四年於粉房琉璃街中間路西購買陳發邢振甲房屋一契共計三所是爲郡館歲費均經報稅粘尾在案庚子之秋猝遭兵亂所有新老契據概行遺失茲檢查長沙郡館志內尙載有各房屋新契用特繕四分裝成四冊並郡館志書公呈查核伏祈鈐印以長沙郡館志並鈔契一冊飭房附卷仍請以一冊發還交職等收存以憑管業至各處房屋分隸大興宛平兩縣未便逐一畫明仰懇飭發該兩縣各鈔契一冊一併備案日後無論何人執有職館新老各契據概作廢紙俾免爭端而垂久遠實爲公便等因到府准此除將館志四本鈔契一冊用印存案並另呈鈔契兩分分飭大宛兩縣備案日後無論何人執有該館所失 據概作廢紙並通飭善後局外應將鈔 一冊用印發還以憑掌業爲此知照

貴紳士查收存照可也須至知照者

計發還用印鈔 一冊 光緒二十八年十一月十八日

公牘

清理郡館後院地址致湘潭邑館易館長蔚儒函

敬啓者竊查草廠十條胡同長沙郡館自遭庚子兵燹館舍被燬後經兩次修築因一時財力不給未克恢復舊觀尙餘墟地三分之二原修有院牆以資保障不料近日忽有德記煤廠毀壞郡館西邊院牆開設煤場住館同鄉不勝驚疑僉來詰問炳森初莫知其究竟比呼長班詰問并親往該棧探看所佔地段漫無限制問其租設緣由答云此地爲湘潭會館舊址由先生經手承租炳森前往館中數年未聞郡館院牆內曾有包有湘潭舊館地址之說今檢查郡館契據亦未有抵湘潭地界之語今先生將該地段和與該棧果有何種契據証實貴縣舊館地基在郡館院牆之內如確有證據似應會同兩館幹事先行劃清界址以杜爭端事關公產又係職素所在敢請先生詳示證據藉釋羣疑毋任盼禱端此敬頌台綏

民國十一年七月二十日梁炳森謹啓

附注 此函去後翌日接蔚儒先生電話約往看證據出示湘潭會館捐修簿一本係刻板內載湘潭會館基址地界碑記記載沿革地段丈尺甚詳錄於左

湘潭會館創於康熙癸巳五十二年迺本邑陳滄洲張南簾曾幡巖張晚洲四先生所公置其地址在前門東草廠十條胡同內西抵胡同官街東向抵官園自西至東長一十五丈南抵長沙會館牆基北抵京山會館南北寬六丈會館後東北角續添地屋西抵京山會館後牆東抵南官園大路東西長三丈南北寬三丈內靠北一丈五尺乾隆四年陳義田所獨捐也 乾隆十年仲春穀旦公立碑記

得以上證據始知郡館院內確有湘潭舊館地址前因庚子兵燹同燬於火又因郡館關係兩館墟地混而爲一迄未清理今得確據迺向同鄉說明解釋當即劃清界線修築新牆以資保障而免爭端現此新牆即今新築房屋之後牆也梁炳森附識 十二年七月

第一屆委員會成立通報各委員並定期開會商議進行辦法函

敬啓者本會委員業經推定所有一應事宜即須進行茲定本月二十九日 星期午後二時開委員成立會並商議一切進行事宜屆時務乞 惠臨毋任公盼 十一年二月二十五日

癸亥新年雅集通知各籌備員會同籌備函

敬啓者本月十四日由本會幹事議定舊歷新年正月初三日即陽歷二月十八日假湖南會館開團拜會並設新劇音樂等娛樂點綴新景藉助清興公推袁君浚明爲籌備主任王君少泉梁君榮生傅君桂航王君漱蘋宋君克羣易君緯興汪君晤文譚君步瀛湯君芸郇童君紹先曹君若彬爲籌備員茲特函達卽祈 查照並懇會同妥籌毋任禱盼 十二年一月二日

癸亥新年雅集公啟請各委員分送各同鄉函

敬啓者癸亥新年團拜公啓前次開會議決由本會送請各縣委員分送各同鄉茲送上公啓 份並粘貼郵票送到卽祈 察收轉交爲荷

附公啓

桃符換歲不忘舊歷韶光粉社生春莫負新年雅集茲定癸亥正月初三日即陽歷二月十八日(星期日)午後一時起假湖南會館舉行團拜並備新戲及絲竹等娛樂萬戶更新正逢佳節一團歡聚好話鄉情二千里舊地雖遙猶是恭桑敬梓十二屬旅人共萃雅宜遺興怡情一曲雲璈恍鼓湘靈之瑟數聲檀板如聞韶雉之音漫云楚相衣冠描摩畢肖須識美

人香草點綴翻新同是鄉人望翩翩而蒞止值此佳會弗嫻嫻以來遲

報告本會上半年經過情形暨商議應進行各事致

各委員函

敬啓者本會上半年經過情形亟須報告所有應進行各事亦須會商茲定七月一日星期
日午後二時在本會館開幹事會屆時務祈 撥冗惠臨毋任公盼 六月二十八日

本會寄送郡館財產錄請各縣各機關查收備案函

敬啓者竊查京師長沙郡館坐落崇文門外東草廠十條胡同創自前明鼎革後鞠爲馬廠
僅存舊壤數椽逮清乾隆年間添購地基擴爲新舊兩館嗣後另購房屋數處收其租息以
爲郡館歲費庚子歲秋郡館被燬於兵火所有新舊契據概行遺失光緒二十八年十月郡
館直年王公世琪檢同館志照鈔新契四冊呈請順天府尹一併用印并懇轉飭大興宛平
兩縣冊存備案以憑管業至發還郡館印契一冊曾於民國三年呈報左右翼牲畜徵收局
驗稅粘尾在案又查郡館於光緒三十四年購有粵漢鐵路股票三千元因辛亥政變權將
股票押款貲遣旅京同鄉歸里民國四年經王館長紹荃特別交涉無價收回股款本息積

存至今有股票公債票現款等項共計洋六千元以上云本會鑑已往變故之頻仍慮經營保管之不易特編印郡館財產錄五百分藉以廣流傳而垂久遠茲特備函寄呈 冊務懇惠存備查實爲公便專此藉頌 公綏 民國十二年九月十二日

本會呈送郡館財產錄請京兆尹公署備案文

呈請備案事竊查京師長沙郡館坐落崇文門外東草廠十條胡同創自前明逮清乾隆年間添購地基擴爲新舊兩館嗣後復另購置房屋三所收其租息以爲郡館歲費庚子歲秋郡館被燬於兵火所有新舊契據概行遺失光緒二十八年十月郡館直年王君世琪等檢同郡館志書鈔契四冊呈請 順天府尹一並用印懇轉飭大興宛平兩縣冊存備案旋承發還郡館印契一冊曾於民國三年呈報左右翼牲畜徵收局驗稅粘尾在案又查郡館於光緒三十年戊申歲購有湖南粵漢鐵路股票三千元因辛亥政變權將股票押款贖遣旅京同鄉歸里民國四年六月經前館長王文豹無價收回粵漢鐵路股票款項轉購中國銀行股票公債等票共計洋六千元以上云本會鑑於郡館前經數度之變故而基本館產與活動資金幾有不克保存之勢今郡館志書別無存留此項又無紀錄世變多端天災難測

契據證卷展轉交替恐難免不再遭遺失茲爲保存館產起見特編印郡館財產錄五百冊除內將兩地館基繪圖附說印驗契據執照全文重行抄印外並將所有股票公債票式樣號碼分別編入以免遺忘而垂久遠用特備文附呈北京長沙郡館財產錄兩冊務乞 鈞署察核飭附前卷用備考查深爲公便謹呈 十二年九月十二日

本會呈送郡館財產錄請京師警察廳備案文

呈請備案事竊查京師長沙郡館坐落崇文門外東草廠十條胡同創自前明 同前茲特編印郡館財產錄五百冊藉廣流傳而垂久遠理合備文呈送二冊伏乞 察收備案實爲公便謹呈 十二年九月十二日

本會呈送郡館財產錄請

大興宛平

縣公署備案文

呈請備案事查京師長沙郡館 同前光緒二十八年十月郡館直年王世琪等檢同北京長沙郡館志書鈔契四冊呈請順天府尹一並用印並懇轉發 鈞署一冊備案 同前理合備文呈請察核並乞 惠存實爲公便謹呈 十二年九月十二日

本會呈送郡館財產錄請京師左右翼稅務徵收局備

北京長沙郡館現有應用器物表

梁炳森編

類別	數目	價值	舊有	新置	備	致	附
方棹	七〇	每張肆元	五〇	二〇	民國十二年十月添置六仙方棹三張十一月添置壹張十二月添置肆張十三年六月添置十二張	內有破壞不堪舊棹子七張	
方檯	二二二	每條壹元二角	七八	四四	民國十二年七月添置捌條十二月添置捌條十二月添置兩條十三年十月添置兩條六月添置十四條	內有破壞不堪用者十四條	
書架	三〇	每架肆元		三)	民國十二年十一月新置新式榆木架	均印有長沙郡館火印	
木床	三四	每架肆元	三四			內有破壞不堪用者九架	
鋪板	兩幅	每幅三元		二四	民國十一年七月新置十二幅十二月添置兩幅十一月添置壹幅十三年六月添置九幅	兩板一幅的十五幅三十八條	
箱架	二四	每架一元五角	二四				
面架	四	每架五角	四				
木桶	三	共價二元四角		三	民國十一年添置		
鐵火印	一	價七角		一	民國十二年添置		
皮包	一	三元四角	一		民國十一年王紹荃先生購置以爲儲藏股票證券携便之用		
捲尺	一	五元		一	民國十一年添置以爲度量房屋地基之用		
籐箱	一	三元四角		一	民國十三年添置以爲儲藏租摺帳簿等用	因前有小木箱破壞故也	

附注 查郡館原有器物本不完備自民國十一年七月炳森接管以來兩年之中陸續添置器物所費已屬不貲重以館舍新增待辦之器物尙多方今金融艱窘物價騰貴器物之破壞易而購置實難除隨時責成長班保管不准任意搬出變易外尤望以後住郡各同鄉視公物如己物共同愛惜則公德私用兩全其美不僅郡館之幸也

梁炳森附識民國十三年七月十六日

專紀

北京長沙郡館歲修捐款彙紀

自光緒十八年始以前者不及而錄已寫未交者不列續交者隨時補刻

閩浙總督譚鍾麟捐銀一百兩又捐木器百餘件合銀一百兩

湖北知州李晴捐銀二十兩

貴州按察使唐樹森捐銀四十兩

陝西候補道陶森甲捐銀四十兩

長江提督黃翼升捐銀五十兩

陝西知府劉本植捐銀二十兩(以上光緒十八年)

福建候補道楊正儀捐銀二十五兩

江蘇直隸州徐懋立捐銀十二兩

四川直隸州調補涪州楊叢捐銀二十四兩

江蘇知縣常桂馥捐銀十二兩

陝西同知文德升捐銀六兩

廣西知府常璋捐銀十六兩

浙江知縣鍾靈捐銀十兩

雲南主考吳嘉瑞捐銀三十兩

陝西知縣張守正捐銀十二兩

廣西同知周繼仁捐銀十二兩

廣東潮州府遺缺知府周開銘捐銀五十兩

福建主考杜本崇捐銀三十兩

廣西右江兵備道黃仁濟捐銀三十兩

福建主考龍湛霖捐銀五十兩

福建同知翁傳煦捐銀十二兩

花翎副將銜湖南鎮軍中營遊擊李廣信捐銀四兩

記名總兵金陵營參將陶樹恩捐銀十兩

廣西知縣翁炳南捐銀十二兩

湖北同知張价藩捐銀十二兩

福建知縣劉錫渠捐銀十二兩

江西安仁縣知縣左秉鈞捐銀三十兩

兩淮試用鹽大使龍觀光捐銀八兩

江西直隸州凌祖毅捐銀十二兩

湖北知縣李昌洵捐銀二十兩

雲南知州左肇南捐銀六兩

江南提標後營遊擊傅文彩捐銀十兩

湖北知縣胡子功捐銀八兩

湖北知縣李兆庚捐銀八兩

雲南知縣賀宗章捐銀十二兩

浙江通判郭維銘捐銀十二兩

湖北知縣蕭煥南捐銀八兩

浙江候補道袁壽楨捐銀三十兩

江蘇知縣王元常捐銀四兩

兩淮運判毛昌駿捐銀四兩

江蘇知縣翁傳照捐銀八兩

甘肅知縣黃燾捐銀二十兩

長沙縣捐京平足銀一百兩

善化縣捐長沙平足銀一百兩

湘陰縣捐京平足銀一百兩

瀏陽縣捐市平足銀一百兩

湘鄉縣捐銀一百兩
楊子端捐銀四十兩餘係彭笏臣謝祐生
蔣樹人張道宇周芝圃李堯古李亦元墊

甯鄉縣捐京平足銀一百兩

醴陵縣捐京平足銀一百兩

安化縣捐京平足銀一百兩

益陽縣捐京平足銀一百兩

攸縣捐京平足銀五十兩（以上光緒十九年）

江西督糧道劉鑑捐銀一百二十兩

江蘇學政龍湛霖捐銀三十兩

直隸慶雲縣知縣夏聲喬捐銀三十兩

北京長沙郡館志略 專紀

五四

湖北知縣張南瑾捐銀五兩

湖北黃州府樞捕通判柳大年捐銀二十兩

江蘇知縣秦炳禮捐銀十兩

福建鹽大使戴廣鵬捐銀十兩

湖北知縣龍驥捐銀十二兩

福建路陸提督黃少春捐銀五十兩

廣東補用道周炳勳捐銀四十兩

江蘇試用道許夔捐銀三十兩

江蘇候補道楊慕璿捐銀二十兩

福建知縣秦炳直捐銀二十兩

廣西通判譚鵬捐銀十兩

江蘇知縣趙興震捐銀十兩

河南西平縣知縣左輔捐銀二十兩

浙江知府台州同知張毓麟捐銀十六兩

記名提督張仲春捐銀二十兩

福建知縣郭承桂捐銀十兩

山東知縣楊先甲捐銀十兩

江蘇知府喻先覺捐銀二十兩

浙江知府劉錫徵捐銀二十兩

江蘇知縣沈運樞捐銀十兩

湖北知縣呂勳捐銀十兩

四川知縣陳國珩捐銀十兩

江西知府譚寶箴捐銀二十兩（以上光緒二十年）

四川試用道楊瀚樞捐銀三十兩

四川知縣穆秉文捐銀十兩

廣東知縣郭壽鏞捐銀十兩

湖北知縣周世樸捐銀十兩

廣西知縣沈世培捐銀十兩

山西岢嵐州知州徐樹璣捐銀二十兩

山西臬司劉藻捐銀七十兩

浙江知縣胡瑞清捐銀十兩

廣東知縣夏錫霖捐銀十兩

廣東知縣丁啟楨捐銀十兩

福建知縣侯維漢捐銀十兩

甘肅知縣潘遠曜捐銀十兩

江西萬載縣知縣譚紹裘捐銀三十兩

甘肅鞏秦階道李光久捐銀一百兩

江蘇候補道劉麒祥捐銀八十兩

浙江同知劉國鄔捐銀二十兩

廣東知縣陳翼鍾捐銀十兩

北京長沙郡館志略 專紀

五六

道員用江蘇知府張慶勛捐銀二十兩

新疆哈密通判兼襲騎都尉孫志宏捐銀十兩

江蘇候補道杜俞捐銀三十兩

廣西知府兼襲雲騎尉胡傳釗捐銀二十兩

江蘇知縣袁國鈞捐銀十兩

江西知縣龍衡捐銀十兩

湖北通判劉檢捐銀十二兩

安徽歙縣知縣易華俊捐銀三十兩

奉天知縣涂景濤捐銀十兩(以上光緒二十二年)

直隸晉州知州劉璠捐銀四十兩

江蘇知府譚嗣同捐銀二十兩

江蘇知縣李輔澤捐銀十兩

江蘇知州閔家鎮捐銀十兩

雲南知州蔡鏡蓉捐銀十兩

江蘇知縣戴運寅捐銀十兩

南河同知藍均捐銀十兩

安徽知縣李第青捐銀十兩

湖北知縣錢架捐銀十兩

廣西知府周繼仁捐銀十兩

廣東委用道羅麓森捐銀二十兩

廣西知縣鄧盛藩捐銀十兩

直隸委用知縣羅正鈞捐銀十兩

安徽同知陳遠緒捐銀十兩

恩廕籤分山東通判周堂壽捐銀十兩

四川崇甯縣知縣黎承禮捐銀十兩

廣西知縣李鴻勳捐銀十兩

江南徐州鎮劉青照捐銀三十兩

浙江補用道許星翼捐銀二十兩

福建知縣沈先大捐銀八兩（以上光緒二十二年）

河南偃師縣知縣劉傳琳捐銀三十兩

湖北通判李森捐銀十二兩

同知銜湖北知縣劉石巖捐銀十二兩

福建臬司李興銳捐銀七十兩

安徽通判龔襲騎都尉周家燧捐銀十二兩

江蘇和府徐瑞昌捐銀三十兩

廣西正主考尹銘綬捐銀三十兩

正三品廕生新用知縣劉國安捐銀十兩

二品廕生廣東通判王吉隆捐銀十兩

福建閩安協王復勝捐銀十五兩

江西正主考張百照捐銀四十兩

同知銜江蘇知縣成希縉捐銀十兩

廣西桂平梧鬱道兼襲三等男黃宗炎捐銀五十兩

廣西知縣彭言孝捐銀十二兩

甘肅知縣李錦榮捐銀十二兩

四川仁壽縣知縣何肇祥捐銀二十兩

陝西知府劉濟坤捐銀二十兩

江西義甯州知州黃壽英捐銀二十兩

福建知縣袁英麒捐銀十二兩

四川通判劉于禮捐銀十二兩

湖北巡撫譚繼洵捐銀一百兩

陝西知縣易國勳捐銀十二兩

四川知縣周家鈞捐銀十二兩

安徽知縣劉昌彝捐銀十二兩（以上光緒二十三年）

以上捐款係錄吳國鏞所編長沙郡館歲修捐冊自光緒十八年起至光緒二十三年止光緒二十三年以後尙待

查考德宣注

文苑

題李文正公墓

大興翁方綱

竹栽寬得郭西村野衲閒談古樹根
記詠成齋招世賞重煩蕙麗約梧門
松楸未必南湘指桑梓誰同北地論
詩史評量吾豈敢偶徵遊蹟續慈恩

前題

柏山法式善

西涯宅廢水空存又叩禪扉訪墓門
病衲斜陽翦榛莽牧羊秋雨嚙松根
僅留詩句傳湖海不復蠶鹽計子孫
三百年來誰過問暮鴉黃葉畏吾村

前題

郭縣郭立誠

弔古偕來西郭門驅車周覽畏吾村
斜陽老樹寒無影春草湘江綠有痕
瓦釜記徒增慨歎堯山堂不著評論
野僧指點荆榛裏珍重當年坏土存

前題

武進胡遜

青史賢奸孰並論茶陵心迹至今存
有身衛國甘朋比無物承家到子孫
榛莽尙知明相墓薰蕕更傍魏公村
土人有呼魏公村殘碑泐盡誰憑弔挈伴低回落照痕

甲子清明偕同鄉諸君子展李文正公

醴陵 袁德宣

上己先朝出郭門九人同訪畏吾村

時偕會博九胡少潛吳剛固華吟伯禹聘三劉近宣王建中九君共展

花紅鄰梵今無語

徐樹銘聯芬佩結聯

孟詞客有靈香草綠清泉
醉寒食梵鄰無語海棠紅

草綠湖湘舊有痕展墓既今多後學薦馨何必在兒孫當年狐臥佳塋

地公先人有善行夢一叟示
曰狐臥處瘞親後當三公

壘石重環更可論

是日議壘石重環以固邱壠

善類當年賴保全

裕瑞題匾
嘿金善類

而今人共仰先賢望衡堂喜春如海

是日由會館望衡堂結伴出發

懷麓詩吟句欲

仙公著有懷麓堂集

南國詞臣知不朽

唐樹樹樹本南國詞臣祠宇馨香綿祀典看西山爽氣墓門煙樹動鄉情

西涯相業翼長傳我尤願與鄉人

約歲歲清明拜墓前

與湖南長郡兩會館同人約每歲清明同臨祭墓

和鍊人詞長清明謁李文正公墓原韻

寧鄉 周家樹

往歲吾曾謁墓門今年君又覓荒村杜鵑夜月渾無語花馬秋防似有痕夷家屑碑供販賣

法梧門碑記語

耕烟牧雨當兒孫

謝薌泉墓修無序語

是非身後何能定留待燒車御史論

謝公即世所稱燒車御史也

金水橋邊歎獨全錦衣獄底識公賢門生削籍書求去閣老辭朝望若僂勝蹟詩龕今已渺

遺聞瓦釜昔猶傳可能一體同裡祀更耐名流列座前

梧門尋墓薌泉修祠皆於公身後隨爲盡力而薌泉先生文章氣節尤鄉先輩中不可多得如

能前祀李祠實足爲後人矜式不知君與粵九少潛劉兩靖該廬伯近耳聘三建中諸鄉兄亦頗有意於此否側待謀之同鄉曾諸君俾能有成尤佳話也

次鍊人詩家謁文正公墓原韵

益陽 薛祈齡

煙樹參差繞墓門春郊十里畏吾村撫碑淚墮西山雨

墓碑有翁方綱法式善諸公手跋令人摩挲嘆賞不置

縮酒衣濡綠

草痕天惜道蹤留老衲仙傳古壤聚公孫斯邱有幸埋靈骨佳氣葱龍萬古論

恭節承徽大義全墓廬相望兩名賢

零陵陳恭節公甲申殉難葬永定門外

氣充雲漢來湘嶽權輿韶韋軼佛仙

文正當權璫篋熾時委曲保全士林其功甚鉅

却後丹青崇廟額

文正墓也前幾蕩然爲耕垌牧雨之場後經法梧門翁覃溪反復尋勘封墓建祠以垂不朽則雖世變滄桑祠墓終巋然獨有矣

餒

餘蘋藻話心傳春風香滿斜陽裏歸詠徘徊古道前

前題

長沙 曹 璜

煙樹蓊葱一墓門數家團住綠成村芳祠代代隆禋祀寒食年年見屐痕寸草平鋪若蘭芷
諸峯遙拱似兒孫荒邱亦托名臣幸世有詩人附比論

疊石重環計久全追崇功德過先賢九人展墓兼修墓一路詩仙又酒仙且把名言付梨棗
更聯佳句廣流傳藐躬愧未逢斯盛願展微忱達墓前

前題

長沙 徐顯立

宰樹重重古墓門樵薪猶禁畏吾村碑銘先正孤勛蹟石染前朝舊鮮痕香火多情來邑子

松楸閱世已生孫如今若問茶陵道安得英雄共日論

曩日金甌卜萬全彤庭一德數湘賢蘋蘩人聚春秋典廟祀天留忠孝僊鄉史簡編名不朽

公之事蹟載在省志 尚書香草句同傳 先伯父澱園尚書有聯語在公祠 家承累世中朝宦繼述慚無告墓前

前題

甲子清明偕胡少儒師與袁鍊人曾搏九諸君子展文正公墓鍊人隨賦二律次韻和之

寧鄉 吳起凡

共逢佳節出郊門展拜前賢入古村香草有情依墓址海棠無語認詩痕 公祠南有極樂寺每年此時花正盛開

江山未信空文藻

詞址即公故宅公風流文采爲前代宰輔中所僅見非第故宅空留文藻已也

天壤何曾乏子孫 公子先公卒公遂之嗣然公在當時默全善類厥功甚鉅則天

壤間皆肖子肖孫矣

五世同塋原吉兆 公之曾祖公祖及父俱葬於此公子先公卒祖葬公卒亦葬焉 歸然留與後人論

當然善類默相全

俗瑞題扁默全善類

天下安危繫一賢 公立朝五十名重斗山隆相業

史稱公爲松才名與斗山齊 堂懷

雲麓屬詩仙墓門煙樹鄉情遠祠宇殘碑草聖傳

祠壁有公草書石刻 我願歲隨隨詞客去 鍊人約湖南長郡兩館同人每歲清明前

會往 展墓吟壇相約在花前 晚清鄉人故事每歲極樂寺海棠盛開相約拜祠賞花

前題

安化 梁炳森

崇拜先賢詣墓門萋萋芳草畏吾村

畏吾村在京城西直門外大慧寺西北文正公會祖逮其身若子五世聚葬於斯

幾經探訪尋遺蹟 山堯

堂外紀謂公有子兆先卒公後墓前石碑至爲土人搥碎代遠年湮久軼其處前清法祭酒樞門數過其地乃訪得之

賴有僧言證舊痕

法樞門撰文正公墓碑記云土阜有一古墓相傳前明顯官今

尋公墓數過畏吾村問諸土人皆不知有大慧寺老僧云
其子孫已絕證以文正集復畏吾村舊墓文始確定焉
白塔長河南與北墓碑記云北通石道白塔菴在焉南則長河望見極樂寺同塋

五代祖而孫歸然一塚高千古墓碑記云祖孫五世同域有兩家公墓在其中一塚歸然旁且夷矣留與鄉人細討論

清節文章孰兩全詞源文正公天順進士孝宗時官至大學士立朝五十年清節不渝文章典雅流麗負盛名朝廷大述作多出其手故賜諡文正前朝宰輔最稱賢謝鄉

祠序云有明孝宗武宗之世權璫徵熾毒及士紳文正以身繫天下之重委西涯相業垂青史西涯文正公舊宅地名地以人傳人

曲匡救保全士類厥功尤鉅至風流文采照耀人寰尤爲代宰輔中所僅見文正公著有懷麓堂集中有復畏吾村舊塋及合葬告考妣諸文望衡樓上廣

涯詳法故晚號西南國詞臣步謫仙懷麓堂中多紀載文正公著有懷麓堂集中有復畏吾村舊塋及合葬告考妣諸文望衡樓上廣

流傳徐樹銘題湖南會館匾額曰望衡堂館中文昌閣舊藏有文正公懷麓堂遺集及楚寶諸書詳紀文正公傳志今湖南會館志紀文正公墓碑記序尤詳我來祠宇瞻公座墓前有祠設主

供祀且列文正公草書於留戀徘徊不忍前壁堂中楹聯碑記甚多

前題

孝感鄧一鶴

墓碑歷歷法梧門 五代冠裳瘞一邨文正曾祖祖父及其子均葬此村帝膝神童書徑尺文正四歲能辟手窠字婆心宰相

淚留痕明宏治間東北亢旱文正摘孟龍章親奉瞻尼父闕里落成豹役難停老成孫文正爲成籍豹房

幾度乞休終不允挂璫八黨忍同論

強附一時豈苟全潛移終較謝劉賢時劉瑋用事劉健謝遷去而中朝誥勅文章伯晚歲精神格

墨仙讜論祇餘居正繼清名應共士奇傳不堪回首西涯路鰕菜迷離滿目前

癸亥長郡同鄉新年雅集賦

鍊人 袁德宣

桃符一換戶皆新客裏團圓更覺親莫道近時絲竹異此間一曲是陽春

是日聯語有新歡聯日下好聽陽春白雪聲句

記同結屋住瀟湘春到江頭兩岸香今日都門重話舊風光點綴似家鄉

發起是會時羣謂值新年宜點綴風光

如弓新月正初三對飲開筵興更酣孔雀亦知春意好翩翩飛合向東南

是日新劇演孔雀東南飛五幕

時來新雁落平沙爛漫春光點更賒兩部文明新鼓吹不教羯鼓亂催花

譚君步漢奏平沙落雁人皆稱好

鄉賢祠畔絕纖塵雲影容光合寫眞留得本來諸面目個中阿堵盡傳神

時在鄉賢祠前共撮一影留作紀念

長沙自古多騷客異地相逢好論詩料得諸公吟興足聯翩摘艷寫新辭

諸君皆屈宋清才應多珠玉

